

# Irjendwann

Musik & Text Björn Heuser / Verlag: Dabbelju Music

{title: Irjendwann}  
{subtitle: Björn Heuser}

Mingen [D]Ühm, dä wor jesturve, si [Hm]Hüüsje wood bahl usjerümp. Un mer [G]däähte uns do froore, wat hä em [A]Levve hatt versüump. All die [D]wunderschöne Saache, die hä [Hm]niemols hätt benotz: Kiste [G]voll met bestem [D]Rutwing, düür Par[A]förm un en neu [D]Botz. [H]Fröher dääht hä immer saare: "Die [Em]Saache halden ich für joot". Jetz [H]kann hä se nit mieh bruche, denn si [G]Levve wor ze [A]koot.

{soc}

"Eines [G]Daachs, irjendwann", is [D]dat, wat mer immer säährt.

"Eines [A]Daachs, irjendwann" – irjend[Hm]wann is et ze spät. Do häs [G]nur dat eine [D]Levve, wenn [A]Jott well, nur noch ein [Hm]Stund, Dröm loss [G]Dir de Freud nit [D]nemme, maach dä [A]Deckel noch ens [D]rund.

{eoc}

Mingem Ühm bin ich hück dankbar, ich han domols jet kapeet: Jeden Daach well ich jeneeße, alles andre es verkeeht ! Hück les ich vill mieh als fröher, dä Stübb em Eck rääch mich nit op. Luur em Jaade noh de Blömcher, et Unkruck määht mer keine Kopp. Ich han Zick für all ming Fründe, für mi Leevje suwiesu. Un ich merke immer widder: nur maloche määht nit fruh !

{soc}

"Eines Daachs, irjendwann"...

{eoc}

Et jitt suvill kleine Saache, wo mer jlöuv, dat hätt noch Zick. ävver loss Dir vun mer saare: besser määhste dat noch hück - Ding ahl Oma ze besööke, zeije, dat Do ahn se denks. Met nem Fründ sich ze verdraare, dat Do nit mieh met ihm zänks. Bes mem Hätzje bloß nit kniestisch, denk dodrahn, wat wirklich zällt. Denn nur dat is wirklich wichtisch, mieh als alles Jeld der Welt.

{soc}

"Eines Daachs, irjendwann" ...

{eoc}

Jeder [H]Daach es jet besundres - jester, [Em]morje, eets rääch hück. Waad [H]nit op dä richtige Anlass – wä [G]weiß, ov dä jemols [A]kütt.

{soc}

"Eines Daachs, irjendwann" ...

{eoc}